

# BENE 'E TOTUS

Su tempus benidòre est in is  
manos tuas!



*Su votu est ispèra, su votu est democratzia*



Sustène su coragiu de is bideas

“Atzara Bene Comune” est una prepòsta de aministràre mandada a- innantis de fèminas e òmines ch’istimant sa idda de issoro, chi ant decidiu de s’impignàre inderetùra po mirare is cosas publicas, in s’interessu de totu sa citadinantzia. “Atzara Bene Comune” si prepònet, po tanti, a su giuditziu de is

eletores, cun sa certesa de s’impignu pigau e cun sa gana de faet, de chie credet in su bene ‘e totus. Cun custas prepòstas serias, frimas e chi si podent acantzàre, portaus bidea de ponner in parte, cun totu bos atos, unu caminu po is chimb’annos chi ‘enint. Grazias a totus.

## SU PROGRÀMA

Su progràma nostu at a foeddare de:




**Bona aministràzione**, poite su traballu bidu de is resorsas e sa difesa de is diritos de su citadinu, funt sa primu cosa.



**Ambiente, tempera, tempus benidòre**, poite de su rispetu de s’ambiente e de su s’ischire adatàre, andat a innantis su cras de sa comunidàde nosta.



**Unu Municipiu amigu**, poite afiantzàre una societàde giusta est de importu fungùdu agiudàre is familias, is giovònos, is mannos e a chie cricat traballu e servizios de calidàde.



**Ativitàdes chi prodùent**, poite sustenner s’economia nosta cun bideas faciles, de pratiga, est de importu mannu in sa preposta nosta de aministràre.



**Aministratziòne posta in parte**, poite ant a esser prepòstos mezos chi partint po un acòrdiu giustu de issebèros, capatzos de afiantzàre sa partecipatziòne de chie tenet progetos e bideas.

*Sa bona politiga est acòrdiu de sentimentu tra guvernù e populu!*

Su votu est democratzia. Pedire su votu po amministràre est coragiu

Dd aus 'ofiu, cun fortza, seguros de che pesare custu progetu po aministràre, su frutu de unu caminu cumenciau tempus faet arrichindosi cun sa conoschentzia maduràda in is urtimos chimb'annos de opositiòne, chi s'at permitiu de conoscher gente noa, esperientzias e cumpetenzias noas. Ma, in pitz' 'e totu s'at giau sa fortza de s'ighire a credet in sa comunidàde e s'at cumbintu a garantire, acora una

'orta, s'impignu seguru e frimu chi totus ais a conoscher. Po custu preponeus su progràma nostu, is bideas nostas, certos de andare a conca arta cun sa gana de chie, fintzas in is momentos dificiles, est in primu linia po prepònner un'aministratziòne a totu sa popolatziòne.

Salude e trigu.

## Su bonu amministrare: "Difender is diritos e is servìtzios"

Su bonu faer amministratzione, non si podet lassare chentza peruna duda sa giusta atenziòne a is resorsas, ma est fintzas acapiada a istrintu cun sa gana de faer e cun sa capatzidàde de chie, tzerriau po amministrare una comunidàde, depet ponner in - dd'ognia campu bideas e progetos in calidade, po cricare de agatare resorsas noas. Amministrare po su bene 'e totus, bolet narrer, in pitz' 'e totu, gherrare po is diritos in comuna, garantire is servìtzios de importu mannu po su citadinu e cricare de cumprènder is cosas chi abbisongiant a sa sociedade, in modu de poder aporrer servìtzios chi sian capatzos de arresponder a sa legitima necessidàde de totu sa citadinantzia.

At a esser po tanti doveròsu, faer cun sa giusta misura de "su babbu bonu de familia", in modu de giaer garantzas cun sabiesa, cun su giustu bonu faer po is esigentzas de totus, in primu logu, si depet puntare a s'arresparmiu, po istrantzire isperditzios e tenner a dispositziòne resorsas noas po render mengius sa calidàde de sa vida de is atzaresos. At abbisongiare poscas, ponner in giogu totu is fortzas umanas e professionales de sa comunidàde nosta po che 'oddire a bolu bandidòs de finanziamentos, chi podent agiudare po is resorsas noas de investire in is setòres de importu mannu: traballu, istrutziòne, servìtzios sociales, connòschentzia, isport, traballare is bingias, edilitzia, artigianau, cumerciu, caminos de monte, bellesa de sa idda. Po faer totu custu trebit un'amministratzione ch'impreset cun gana sa disponibilidàde, un'amministratzione capatza de iscurtare.



*Sa bona amministratzione at a guvernare is resorsas publicas cun sabiesa e in modu giustu, cricando de afiantzare is servìtzios e garantindo a totus is diritos de ddos poder umperare*



## Una bidea segura: "Su pianu energèticu ambientale comunale"



*Cun su PEAC, pagu incuinamentu, prus tempera a basciu costu. Cun su PEAC una 'idda moderna, chi 'atit resorsas po su bene 'e totus*

Aeus bogau a pigiu, coment primu cosa de importu, de amministrare cun capatzidàde e, de faer is mengius cosas cun is resorsas de su Comune e de punnare in decisiones chi podent iminguare s'ispesa publica e illibertare resorsas de destinare a totus is faches de sa popolatzione, a partire de cussas prus debiles. Su primu passu at a esser cussu de che pesare su Pianu nou Energèticu Ambientale Comunale (PEAC) de importanzia po poder otenner is contributos regionales, natzionales e europèos. Cun su PEAC s'ant a poder faer medas operatziones indiritzadas a s'arrespramiu energeticu e a sa matessi produtziòne de s'energia, giumpandòche s'utilidade de is energias noas. Custu at a permetet siat de iminguare is esalatziones de anidride carbònica in s'aira, siat de illibertare resorsas publicas chi como funt fuliadas, poite umperadas po amontare custos energeticos tropu mannos, pomore oramai de impiantios tropu becios. Cun su PEAC s'at a bier sa critica (bona) e s'ant a ponner foeddos in paperi, is traballos de mandare a - innantis in is annos a benire: ponner a nou is impiantios de sa lughe publica, umperare lampadinas cun funtziones de arrespramiu energeticu, solare fotovoltàicu, fotovoltàicu intregau e industriale. Cun su PEAC, aus a tenner una 'idda prus moderna, prus lughente, prus errica, prus respetosa po s'ambiente e po sa salute publica.

# Unu Municipiu amigu a servìtziu de su populu



*Esset a su servìtziu de is citadinos bolet narrer, non solu aporret servìtzios publicos, ma fintzas esset disponibles a ddos iscirtàre*

Sa crise de s'economia, a dolu mannu, in is ùrtimos annos, at culpiu fintzas sa comunidàde nosta e su territoriu nostu. Medas familias ant perdiu o bistu iminguare su redditu o mengius, s'incungia de fini annada, e ant perdiu su podere de comperare. Su truncare is servìtzios at poscas, iminguau sa calidàde de sa vida de sa gente. In custu apretu, s'Ente Locale depet in -dd'ognia modu agiudare cun is servìtzios publicos de cumpetentzia po chi siant acostau de is familias e traballadores. Po primu cosa siat a deper difender su chi esistit, esser ghereris, poite totu su chi si chi 'enit leau, no at a torrare mai prus in palas. Sa prepòsta nosta 'olet pesare is categorias prus debiles de sa popolatzione. Pentzau chi siat giustu de che pesare una sociedadade a misura de piciocheddu, po torrare a - i cussu tempus de vida serena. Is piciocheddos prescianos de oe ant a esset is mannos serios e responsables de cras. Po custu afiantzau is servìtzios e is familias, aus a traballare po sa garantzia de is diritos a s'iscola publica e s'istrutzione de calidàde, (a su primu postu ch'est sa punna de garantire sa mengius "didatica" po is pipios e po is mannicos). Aus a faet a modu de impressare custu dovere po aperrer logos publicos acollientes, pulios, assentos po totus. Un ogu in prus at a esset dedicau a is mannos, garantindo a issos servìtzios de agiudu in domo issoro e, cun forza, po chi arreciant sa mengius assistentzia, in sa Comunidàde de allògiu. Boleus chena làcanas perunas su servìtziu "sociu-sanitariu" e aus a cricare de esset frimos in is politigas chi si cumpetet po chi in mannos tengiant su giustu valòre de resorsa. Po is fasches prus giovanes de sa popolatzione, intendeus de premove caminos de "mobilitàade" de biet passu a passu is progetos de s'Europa. Cun totu custu sa punna est in primu logu de afiantzare is artes de is giovònos bogando a campu is "strumentos" chi ddis permitit de si

governare cun is matessis progetos de issoro. 'Oleus poscas afiantzare e giaet valòre politigu po is paris oportunitades, capatzos de garantire sa massima disponibilitade de totus is categorias sociales a governare sa cosa publica. Cun ogos de ispera 'oleus castiare a i - largu e isvilupare paris una sociedadade chi puntet a innantis in su tempus, pentzau de afiantzare e premove s'atividade isportiva, garantindo un imbaru publicu a sa progetatzione de is associatziones de su setore. Po cantu ispetat is atividades de produtzione bideus a innantis mesuras seguras po afiantzare is setores de s'agricoltura e, de is pastores, artigianos, cumerciantes, garantindo, in su tempus benidore de ddos afiantzare a chie 'olet aperrer atividades noas de traballu. 'Oleus ancora, sustentare is atividades de is associatziones locales, po favorire cursos de progetatzione post'in parte in s'interessu de sa comunidade. Un atenzione de importu at a esset dedicada a foeddare e a si faet agiudare in custu esser paris, de sa Parròchia, cumbidando is rapresentantes de s'Istituzione religiosa in s'iseberu de importu chi foeddat de sa comunidade.

## Po una difesa de s'ambiente e de is benes de identitàde

S'ambiente est in su centru de sa prepòsta amministrativa, poite pentzau ca su difender e trabare is resorsas nostas ambientales siat garantzia po una calidade de vida bona e de isvilupu economicu e turisticu. Podanti, ant a esser sustentadas is associatziones locales chi s'ocupant de difender s'ambiente, finas cun su finanziamentu de progetos de difesa e de valòre ambientale. In custa bidea torrat fintzas su trabare e giaet valòre a is monumentos nostos de identitàde. Sa sienda manna istòrica chi identificada totu sa comunidade.

Po custu, coment primu impignu, si boleus mover po torrare a sa gente de Atzara s'occasione de ponner pei, acoitu, in sa 'omo de totus, sa Cresia! Patrimòniu de totus nos, ma in pitz' 'e totu de is benidores.



*Giaet valòre a s'ambiente, a is monumentos est cosa de importu mannu*

*Is mannos nostos coment resorsa.  
Is politigas prontas po issos*

Is mannos coment resorsa, coment bene 'e totus, est una realidàde de importu mannu in su progetu nostu. Po custu portaus intentziòne de afiantzàre is servitziòs a issos dedicaos. Servitziòs chi depent puntàre a garantzia de sa mengius calidàde de vida cun possibilidàde de operàre in domo issoro. Puntaus a giae valòre, in su mengius modu, a su servitziu destinàu a sa Comunitàde alloggiu, favorìndo sa mengius "gestiòne" possibile de cussu logu, chi at a esser posta in sa cudentziòne de operare a prenu regime e soddisfaet, gasi, is medas persones chi de diora olent tenner custu servitziu. E custu at a permetet de assiguràre una bona assistèntzia ma finas de che pesare e garantìre postos de trabàllu. Ma s'agiudu po is mannos, non podet esser intendiù solu coment puntu de assistèntzia. Est necessàriu, de dovere, faet a modu ch'is politigas siant prontas po is mannos, e duncas, giae modu a sa massima realidàde de affortiàre custos servitziòs po chi is persones potzan faer una vida sociàle, econòmica operèsa. In custu modu s'atentziòne at a esser po is dirìtos e resorsas de is mannos e po sa necessidàde chi issos pighent parte a sa realidàde de sa vida in sa comunitàde. Po custu prepòneus de giae valòre a is mengius artistas de sa tertza edade, e ddis -is torrare a i custos mannos, su gosu de unu caminu de incillos chi ddos alligrat in s'utilèsa, in custu crescer de totu sa comunitàde.


*Su sustenniu a is familias a is babbos e mammas*

Sa familia est unu bene 'e totus, una sienda manna , indispenszàbile po s'armonia de sa 'idda, de sa societàde. Po custu pentzaus bene de dda ponner in primu linia po giae a is familias sa garantzia e unu forte sustenniu públicu, giae modu de umperàre i servitziòs sociales e socializàntes, de importanzia po totu sa famillia. Cun prontesa ant a esser disponibles is servitziòs, chi debadas e a basciu costu, ant a foverire e ant a lompèt s'agiudu po is familias, po afrontàre is problemas ligaos a sa fasche de edàde pitia. Nesciuna familia at a esser lassada a sola in is dificoltàdes de dd'ognia die. Aus a cricare de ponner servitziòs chi trebant de ibàriu chi funtzionent po sa creschida de serenidàde de sa familia. Ant a naschìre servitziòs chi siant in gradu de sustenner is familias in su caminu de s'educatziòne didatica. Un atentziòne de importu mannu at a esset po premove atobios po sa familia. Po custu ant a esser afiantzàdas e premòvias totus is iniziativas capatzas de favorire unu traballu de artes chi giede vida a su tempus libertu.




*Sa famiglia est unu bene 'e totus  
e s'amanniàre de is  
piciocchèddos unu bene mannu  
po totu sa comunitàde*

**IN CURTZU**



**Birde públicu**

Una giusta atentziòne at a esser fata po s'assentu de intro 'e sa 'idda cun su birde públicu, cun s'intentu de giae visibilitàde po chi potzant esse prus abitàdas is areas birdes. Sa muta 'ona giusta, ess cussu garantìre logos públicos, miraos e allichidios, logos in ue si podet andàre cun sa massima tranquillidàde cun is figios. Portaus finzes bidea de faet un'area pública atretzàda po s'ispassiàre, cun tranquillidade, cun is animàles.



**Unu, chentu, millis ispòrt**

Portasu intentziòne de sustenner sa cultùra isportiva a manera de render prus sana sa vida. Poscas, boleus valorizàre is atividàdes isportivas municipàles po chi potzant intràre totu is faches de sa popolatziòne. Is associatziònes isportivas ant a essere afiantzàdas in is mengius iniziativas e at a esser valorizàda sa progetatziòne ch'interesat a pitios e manitos e is progetòs po premòver s'isport po is fèminas. Est' intentziòne nosta, organizàre atopos e seminarios de importu po s'isport e po giae importu mannu a sa vida sana.

## Is paris oportunitàdes. Po una sociadè de uguagliàntzia

Sa lista nosta, cumposta de ses fèminas e ses òmines, est su primu passu po faer crescher is paris oportunitàdes in sa idda nosta. In d-una sociadè chi cambiat impresse meda, in sa matessi manera cambiant is bisongios de dd'ogniuna persone. Is comunidàdes nostas funt semper prus "multietnicas". Po custu su cuncètu de is paris oportunitàdes non depet valorizàre in manera serrada s'universu fèminile, ma poder giaer fortza a totu sa matessi calidàde umana, sociale, culturàle chi animent sa 'idda e su territòriu nostu. Po custu aus cricàre de iscriere su Bilanciu de is paris oportunitàdes, de sustenner sa Consùlta e s'at a giaer boghe a is principios de su "Paperi europeu po s'uguagliàntzia e sa paridàde de is fèminas e de is òmines in sa vida locale", giai aprovau de su Contzilliu comunàle ma in d- una cundentziòne unu pagu frima. Paris che podeus pesare una sociadè frima in s'uguagliàntzia, in virtùde de su poder faet meda cun sa partecipaziòne de totus.

## Sa culturà e sa traditziòne coment bene 'e tottus. Su tempus benidòre movet de i -noghe

Is progetos culturàles, ligaos a sa traditziòne, chi funt de calidàde, non podent benner de mancu a sa sociadè nosta. Cumenciàre de su chi seus, de is arregòdos, de s'istoria nosta, de sa limba, est su primu passu po che pesare su tempus benidòre. De importu mannu, in su dibatidu po crescher s'isvilùpu de sa comunidàde, at a esser su arrennescher a giunghet sa traditziòne cun sa necessidàde de ponner is cosas noas, chi si depent batire a ponner in

parte esperièntzias noas fungudas in su campu literariu, artisticu e musicàle. Ch'at de progetàre e programàre unu caminu nou culturàle, po giaet e valorizàre is logos de iniziativas giai chi esistint, ma in pitz' 'e totu po nde faer ateras noas. Unu caminu chi depet esser incillàu de su ponner in parte bideas e prepòstas de chie, cun titolos , bolent agiudare po s'isvilùpu culturàle de totu sa comunidàde. Custu poite seus seguros chi, cun sa culturà, sa sociadè podet crescher suta dd'ognia 'idea de dd'ogniunu in su sociàle, econòmicu e turisticu.



*Is giovònos de importu in s'isvilupu de sa comunidàde*

## Is giovònos coment garantzia in su tempus benidòre

In d-una sociadè chi cambiat e s'isvilupat impresse, is bisongios reales de is giovònos podent esser cumprendios solu cu s'abilidàde de criare caminos bonos, chi pongiant is giovònos nostos in cundentziònes de poder narrer, cun segurèsa, is bideas de issoro. No est de pentzàre ch'is mannos iseberent is progetos po issoro. Po custu s'aus a ponner in favòre de unu caminu liberu e nou, po faet curre is bideas de progetaziòne giovònile. Sa cosa de importu, at a esser a ponner is giovònos in cundentziòne de lomper a solos a is bideas de issoro, po che pesare is progetos chi issos disigiant.

## IN CURTZU



## S'Euròpa si tzerriat

Boleusu traballàre po afiantzàre su caminu de mobilitàde europèa po is giovònos nostos, in modu de favorire sa conoschèntzia de atras realidàdes regionales, natzionales, europèas. Sa mobilitàde giovònile est po noso su primu passu de migliòramentu po is capatzidàdes e possibilidàdes de is giovònos nostos.



## Progetaziòne europèa

Is politigas europèas po is giovònos tenent s'iscòpu de render facile s'imparu de is conoschèntzias e cumpètentzias sociales e professiònales, in gradu de afiantzàre s'intrada de is giovònos in sa sociadè e in su mundu de su traballu. Sighire cust'idea, de una bidda chi castiat a s'Euròpa, no est unu bisu sena ispèra, ma una beridàde necessària. Po custu, s'aus a mover po faer ischire a totus is oportunitàdes ligadas a sa progetaziòne euròpea, in modu de ingustàre, in is giovònos, sa gana de progetàre su tempus benidòre de issoro.



*Po sustenner s'economia est de importu mannu unu traballu de iscuadra*

*Is atividàdes chi prodùent. Sustenner una retza po su bene 'e totus*

Sa crise chi seus bivendo a fatu dannu a is imprèsas nostas, chi prus de totus funt culpias de s'economia ch'istentant a torrare a movet. Ma non depeus e non si podeus perdet de animu, teneus su dovere de gherrare e de non perdet s'ispèra. S'Ente publicu non podet certu tennet sa falanglòria de aporrer retzetas chi che potzant faer bessire de sa crise a sa comunidàde, ma tenet su dovere de ponner in campu bideas e incillos po trabare su chi giai esist. Nos boleus torrare a movet giaendo valòre a su Centru Cumerchiàle Naturàle, intendiu coment retza de cosas bonas econòmicas e sociales chi, an a tenner is mezos po progetare dd'ogniunu issu disignos de isvilupu po is traballos de produtziòne. Sa bidea est cussa de sustenner sa retza de su su bene po is imprèsas locales, fintzas aciunghèndo ferru po s'Assesoràu a is Atividàdes Produtivas e a cun sa costituziòne de is cumissiones comunales, giaendo fortza e importu mannu a is imprèsas chi presentziànt a sa progetaziòne de sa comunidàde. Chitacoi, ant a esser postos in motu is mecanismos de su "marketing" o beru, ischire bender e faet mercäu in totue, capatzos de sustenner e premovet is produtziònes locales.


*Unu sustenniu a s'omine de monte e a is allevadòres*

Atzara est un 'idda chi de s'agricoltura tenet resorsas mannas, de importu po sa vida de dd'ognia die. Sa passione po su monte est errichesa manna po totus, nos 'oleus giare valòre a -i custa passione, agiudare po arrennescet a umperare po su mengius, su territoriu nostu. At a esser meda s'atenzione po su aconciare is caminos becios de monte, faendo a modu, chi de su primu bilanciu aus a ponner resorsas destinadas a po custas cosas de importu. Boleus chi a is terras nostas si potzat arribare cun facilitade siat po chie dd'ognia die andat po su traballu a su monte, siat po chie bolet camminare po prascere de passillu. Un'atra bidea po chie traballat in monte at a esser garantire is puntos publicos chi potzant permetet provistas de abba in tempus de sicagna. Po noso, custa est una de is primas cosas, un impignu seguru e baratu chi at a garantire unu sustegnu reale po totus is chi traballant su monte e sa terra nosta.



*S'abba est unu bene 'e totus. S'abba po totus est unu diritu mannu*

## IN CURTZU



### ArcheoTrekking

Su progetu est in linia cun is novas drivèssas. Si previdit sa mapadura de is resorsas archeològicas e naturales de su territoriu nostu, po ciapare caminos de ponner in sa retza de s'Archeo trekking. In custu modu, siat turistas che citadinos podent iscrucullare in modu nou su territoriu nostu.



### Sa bidea de su "Km zero"

Boleus traballare po premover s'isvilupu de un'agricoltura de sustenner, cun unu progetu chi favorit s'ispaciare de is produtos de ortu e fruta locales, fintzas cun su passu de su Pianu cumerchiàle municipale, chi garantit is atividàdes in is giustos tretos po is produttores. At a esser po ingustare finas is giovònos, chi ant a esser afiantzàos po aperrere butegas piticas de su setore. Papare sanu favorit sa salute e ingustat s'economia pitica.

## Su binu de Atzara, unu incillu po unu progetu de su territòriu

Sa produtzione de is bingias nostas, disignat in sustantzia fungùda s'economia nosta. Su binu est duncas un'errichesa economica ma fintzes una chistione sociàle e culturale, chi bisongiat promòvere e ghaet valòre cun progetos seguros. Po faer custu, bisongiat a -cotzare i resorsas umanas, economicas in is festas de 'idda, coment Sa Sagra de su Binu e Cortes Apertas, sustenèndo su traballu fatu de sa gente de 'idda nosta. At a esser poscas, de importantzia, torrare in bonu su faer unios cun s'Associatzione Natzionale Citade de su binu, po poder acantzare is servìtzios nos de sustegnu e de publicidade. Cun custu ispiritu, sena peruna duda, est de importu mannu s'unione cun is Municipios de su territòriu a vocatzione de is bingiatèris e cricare in dd'ognia modu de ghaer valòre a su sinnu Mandrolisai Doc.

Sa progetatzione in su pratzire non

## S'unione de su territoriu po esset fortes

Su tempus de crise ch'is Entes locales funt tenendo, non podet esset motivu de non tenner animu de s'iscoragire o rassegnare. Funt drivessos is modos chi si podent ponner in motu po afrontare e cumbatet custu fatu. In pitz' 'e totu pentzaus chi siat possibile traballare po s'unidade de su territòriu Gennargentu - Mandrolisai, favorire sa chistione de is comunidades territoriales, ponner in motu pianos po su tempus benidore cun responsabilidade, po s'agiudare cun respetu totu paris. Is biddas nostas a - solas non tenent pesu, ma cun s'unidade aus a tenner prus forza de gherrare is isfidas

podet ponner a parte in momentos de informatzione in is pratigas de su traballu in is bingias. In cust'occasione at a esser de importu premove atopos de istudiu chi ghaent modu de informare is bingiatèris in totus is temas bogaos a pigiu. Un atru caminu de s'ghire, est de mirare unu pianu capatzu de favorire s'interessu de is giovònos benidòres, po ddos ingustare a faet is bingiatèris. Custu at a esset cosa bona po ddos incillare a is atividades de unione, in su circuitu bonu, capatzu de isfrutare, po su mengius, totus is possibilidades de is traballos. In custu modu s'ant a poder ponner a campu atividades noas in su setore de pratzidura de s'aniga de papare, de s'isfrutamentu de is coigios de sa pudadura, de sa pulisia e de sa bellezza de ominès e feminàs, de sa prepòsta de sa produtzione alimentare noa.

chi s'apretant: difendet sa sanidade publica, is mezos de trasportu, s'iscola, is servìtzios a is familias ma fintzas po premove is produzioni locales. A - i custu prepositu, s'aus a mover po ingustare is atras amministratziones a ponner in contu caminos de premozione comunes. Sa bidea est de faer un'initiativa manna de viagiu, chi dd'ogni'annu s'ant a bier cosas de importu capatzas de ponner in primu pianu totu sa produtzione de su Gennargentu - Mandrolisai, unu territòriu unicu in Sardigna, che tenet bisongiu solu de esser valorizau unu pagu de prus.

## IN CURTZU



### Su binu in viagiu

Sa fama de su binu de Atzara arribat de largu, cando is atzaresos andantat a portare, cun carros e cuaddos, is propios binos in totu is pratzas de sa Sardigna. Nos 'oleus torrare a iscriet custu tradizione cun is craes de su tempus de oe. Boleus organizare assimigios po s'ite papare e bufare cun medas biddas de sa Sardigna, po che lompeta a -i custas comunidades e apretiare is produzioni nostas.



### Su musèu de sa 'ide

Su progetu partit de sa bidea de trabare is diversidades nostas chi, cun is modas noas a -riscant de morrer. S'ntentzione est de mover de is bingias nostas seculares, mapando sa mengius calidade de su mengius semene. A -i -custu traballu, at a s'ghire sa ghia de prantare is anigas prus bonas e antigas, permitindo, a totus, de ponnere is bingias noas cun custas anigas antigas, chistias in su musèu de sa 'ide.

## Ponner in parte e partecipare. Tue puru as podere partecipare e decidet!

Sa prepòsta nosta de aminatziòne movet de s'impignu de un'unione de persònes, fèminas e òmines, chi ant decidiu de si ponner in primu linia po garantire un'amministratiòne a sa 'idda nosta, in - dd'unu tempus agiumai, tropu, difficile. Ddu faeus cun gosu e prascere. Seus cuscentziòsos de su fatu ca ch'at meda traballu de faer e ca est necessariu s'agiudu de totus. Po custu, aus a organizare passos de Contzillu in modu chi si 'ollat chi siat bogiat aporrer s'agiudu suo ddu poder faet, garantindo gasi sa prus manna partecipatiòne de sa comunidàde a governare sa cosa publica.

Po dd'ognia setòre ant a esser fatas, aposta, cumissiones apertas a is citadinos, a is organizatiònes laicas e religiòsas, a is associatiònes chi giai esistint e a - i cussas chi si 'olent aciungnet. In custu modu, su Contzillu Comunale e sa Giunta ant a poder arecìre is disigios de totus. E cun custu ispiritu, custas prepòstas, serias faciles de acantzare chi si pedeus unu sustènniu, si pedeus de partecipare, po su tempus benidore e po su bene 'e totus. Gratzias!



*Su citadìnu podet agiudare cun is isseberos de aminatziòne giaendo sa partecipatiòne in deretura*

## CANDIDATO SINDACO ALESSANDRO CORONA

EDUCATORE EXTRASCOLATICO

### CANDIDATE E CANDIDATI ALLA CARICA DI CONSIGLIERE

- |  |  |
|--|--|
| 1. PISU GIUSEPPE NOTO PINO - IMP. AGRICOLO | 7. FLORE GIUSEPPE NOTO PEPPE - INFERMIERE                  |
| 2. MURA ILARIA - AGRONOMA                  | 8. PINNA AUSILIA - OSTETRICA                               |
| 3. ATZORI GIUSEPPE ALESSANDRO - INGEGNERE  | 9. MORO BARBARA - CASALINGA                                |
| 4. RUDA NOEMI - CASALINGA                  | 10. TATTI MARCO - PROMOTER MUSICALE                        |
| 5. DEMELAS MASSIMO EMILIANO - ALLEVATORE   | 11. MUNGARI STEFANIA - CASALINGA                           |
| 6. DEMURTAS VERONICA - OPERATRICE SALA BAR | 12. MUGGIANU ANTONIO NOTO TONINO - INFORMATORE SCIENTIFICO |

*Quest'idea, di provare a scrivere con la nostra lingua il programma elettorale, non ha intenti accademici e non ha la presunzione di essere riuscita a interpretare, sotto i diversi punti di vista, il modo corretto di scrivere la nostra lingua. Vuole solo essere un omaggio alla nostra identità, alla nostra storia, vuole essere un tentativo, uno stimolo per avviare un percorso di studi capace di tutelare le nostre radici. Grazie!!!*

**ELEZIONE DEL SINDACO E DEL CONSIGLIO COMUNALE**  
**31 MAGGIO 2015**

**COME SI VOTA**

**COGNOME**

PER VOTARE, BARRA IL SIMBOLO E SCRIVI IL COGNOME DELLA CANDIDATA O DEL CANDIDATO SCELTO  
 PUOI ESPRIMERE UNA SOLA PREFERENZA